

Da er mech zom Jubiläum s'letschte Jahr so grosszügig händ beschänkt  
ond well er au eidütig abgstomme händ jo do han ich mer dänkt  
nei jetze dörsch noni ufhöre jetz muesch wittermache du arme Tscholi  
schliesslech besch jo de Komedi ond ned de Item oder de Darioli

D`Carmen Fenk ond d`Salome händ bem Musicstar obenus gschwonge  
doch lang händs ned doreghebt ond scho säges ich ha fertig gsonge  
jo mer muess sech halt chönne dorekämpfe de Erfolg chonnt ned von elei  
so wie eusi Fuessballer nach em Match e de Törkei

Also du do tuet sech jo de Torm vo Pisa chrömme vor Lache  
be de Pisastudie düend Zörcher tatsächlech 1. mache  
jo wenn die wörkli so clever wäre wörde si ned d`Loft versoue  
ond hätte scho längschtens be ehrem Böög en Felter gäg de Fiinstaub ieboue

Letschthen sägi zom Brogger Stadtamme jetz spenneder aber mini Liebe  
er düend för 40000.- Stei en Magnoliebaum verschiebe  
i ha no halber dänkt seit do de Alder das du das ned wersch verstoh  
doch be de hötige Bänzinpriise wär e Motorsagi tüüerer cho

Z`Brugg ond em Stadtteil Lauffohr sölls ändli en Chreisel geh  
ond nach de Chretz of de Stross gets z`Umike sogar zweh  
ond well mer be eus z`Rinike nor en sogenanti Zwätschge wänd  
schlon ich vor das dete denn mehr Iheimische Vortret händ

Ob Süd ob Nord ob Schwyz ob Dütsch all tüend wägem Floglärm bocke  
doch wenn's denn em Sommer ed Ferie goht send das die Erschte wo em Flüger en hocke  
jo gäg de velli Floglärm do setze mer Riniker jetzt es Zeiche  
för eusi beide Ensle bruchsch kein Flüger die chasch den über en Radwäg erreiche

Euses Wooghüusli blieb zwar bestoh het de Gmeirot gseit  
doch wells d`Woog sälber nömme brucht wärde det jetz au Bsetzistei verleit  
ich fende das e Schweinerey das wetti de do scho no säge  
wo sölle sech den e Zuekonft jetz festbouti Lüt wenn ich go wäge

Wie chame euses Riniker Wahrzeiche du das get mer z`dänke  
ä nome met sonnere verschessne Wiehnachtsbelüchtig behänke  
also das Jahr do schmöck ich de Baum das euch all zo de Schueh us haut  
schliessli hani z`Zöri a de Bahnhofstross es paar Neonröhre klaut

Also du wenn ich euse Gmeirot wär denn müesst ich ned lang überlegge  
ond wörd de Bach vom Schüüracher ond grad bes es Chrändel ue freylegge  
denn gheyti es bezeli Beton dry au es Kabel wörd no drie gworget  
jo ond denn denn miechi de Bach weder zue ond d`Starchstromleitig wär versorget

Chörzlech beni met mim Velo zom Stäbliplatz före gfahre  
drofabe wotti d`Steig dorab über d`Mölibrogg ad Aare  
ich be grad eso schön em Schussss... ich has no ned verchraftet  
do het mech doch ich glaubs jo ned d`Polizey als Raser verhaftet

Chum beni weder of freyem Fues ich ha gmeint mech chönn nüt me schocke  
do duet mer em Hersche obe d`Schmier doch schoweder e Buess abzocke  
sie mer händ grad ghört wesi gforzet händ ond leider mer düend ned spote  
send of dem Areal set de Versteigerig jegliche Aktivitäre verbote

Woni eusem neue Gmeindamme zo siner Wahl tue gratuliere  
seit er Komedi ar Fasnacht wersch dänk en Schnetzelbank über me präsentiere  
jo gäl du Aeschi das hättisch gärn doch ich neme de ned jede  
aber wend mer jetz eis offeriersch chömmmer för s`nächtscht Jahr jo dröber rede

*Der Komedi<sup>06</sup>*

Wänd er me bsueche? Ich be dehei onder „[www.komedi.ch](http://www.komedi.ch)“

A de diesjÄrige Fasnacht hÄnd ich verrotet euch da  
„Di ned Verschlofene“ als Motto „Fasnachtvirus“ gha  
doch met dem Motto hÄndsi glaub schochli Öbertrebe wÖrti meine  
chum hets am Brogger Omzog e betzli Schnee bliebe si scho deheime

Jo liebs Fako met dere Fasnachtsplagette das muess leider au no gseit si  
chÖnder velecht en Schwule begeischtere aber ned mech de Komedi  
das es au no schÖneri Sache gÄb do gets set chorzem jo es ExÄmpel  
wie wÄris vellech s`nÄchschte Johr met sommene hÖbsche PlÄmpel

Ond zom Schloss jetz no e dommi Frog an alli euch do em Saal  
wiso send er Höt eigentlech do das esch doch ned normal  
oder andersch gseit wie hÄnd er gwÖsst das hÖt doenne Poscht ab werd goh  
well of de Flyer ond of de Plakat stoht doch gar nüt dervo